



Indgået

9 MAR. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartuni ilaasortaq
Kelly Berthelsen, Inuit Ataqtigiit
Maani

Nunap immikkoortui pillugit § 37 naapertorlugu apeqqut nr. 2017-108-imut akissut

Brevdato: 08-03-2017
Sags nr. 2017 - 5483
Akt id. 4712563

Asasara Kelly Bertelsen,

P. O. Box 1037
3900 Nuuk

Tel. (+299) 34 50 00
Fax (+299) 34 63 50

E-mail: oed@nаноq.gl
www.naalakkersuisut.gl

Aallaqqaasiullugu Inatsisartut suleriaasianni § 37 naapertorlugu apeqquteqaatinnut qujarusuppunga. § 37-imi apeqqutinut tunngavilersuutini allassimavoq, *"nunat allamiut pingaartumik takornariaqartitsisut asimi nunaminertanik atuigaluttuinnartillugit nunaqavissut amerlasuutigut ingiarneqartalerput"*. Aningaasaqarnermut Akileraartarnermullu Naalakkersuisoqarfiup matumani erseqqissaatigissavaa, akissuteqaat una pilersarusiornermut nunaminertanullu inatsimmi sinaakkutaasut iluanni akineqarmat. Takornariaqarnissamut akuersissuteqarfiusut pillugit apeqqutit Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoqarfimmut innersuunneqarput, takornariaqarnissamut akuersissuteqarfiusut pillugit inatsit akisussaaffigimmagit

Apeqqut a.

Inatsisartut inatsisissaat nr. 17, 17. november 2010-imeersumi lloqarfiit avataanni asimi nunap atorneqarnerani inuiaqatigiit soqutigisaat tamarmik - inuit nalinginnaat aammalu inuussutissarsiortut assigiinngitsut - ataatsimut isiginiarneqarnissaat qanoq qularnaarneqassava?

Akissut:

Nunap atorneqarnerani inuiaqatigiit soqutigisaat tamarmik ataatsimut isigineqarnissaasa pingaassusaa pillugu aperisoq Naalakkersuisut isumaqatigilluinnarpaat. Pingaaruteqarputtaaq, aalajangererit ilisimasaqarneq naapertorlugu pisassasut. Ilisimasallu taakku tamanut ammasumik saqqummiunneqartassasut, aalajangiinissamut tunngavittut ataatsimoortut.

Kommunik iluarsaaqqinnerup 1. januar 2009-mi atuutilersup kingorna kommunit periarfissaqarnerulerput suliassanillu pingaarutilinnik arlalinnik kiisalu pilersarusiornermut aalajangiisinnaatitaaneq Namminersorlutik Oqartussanit kommuninut nuunneqarput. Aalajangiisinnaatitaaneq sumiiffimmut ilisimasalinnut sumiiffimmilu pisariaqartitanik ilisimasaqartunut Kommunalbestyrelsenut Namminersorlutik Oqartussanit nuunneqarpoq. Kommunimi pilersaarutit Kommunalbestyrelsenit akuersissutigineqartarput, taakku aalajangertarpaat nunaminertat sumut atorneqarsinnaanersut. Nuna tamakkerlugu Naalakkersuisut immikkoortumi pilersaarutininik suliaqartarput, kommunimi pilersarusiornermi immikkoortuni ataasiakkaani anguniakkanik sinaakkusiisumik nalunaarutiginnittunillu.

Kommunimut tamarmut timalimmik pilersarusiornerup pilersinnissaanut kommunip piginnaasai inatsisitigut aalajangersarneqarput, tamatumani Namminersorlutik Oqartussat soqutigisai eqqarsaatigineqassapput. Namminersorlutik Oqartussani

pilersaarusionermik oqartussaasut, kommunalbestyrelsi pisortanilu immikkoortunik pilersaarusionermik oqartussaasut allat suleqatigiinnerisa sinaakkutai inatsisitigut aamma aalajangersarneqarput.

Apeqqu b.

Inatsisartut inatsisissaat nr. 17, 17. november 2010-imeersumi inatsimmut atasumik nalunaarusiortoqassava kommunit najoqqutarisinnaasaannik?

Akissut:

Immikkoortumi matumani inatsisitigut malittarisassanik pisariaqartitsisoqartoq Naalakkersuisut nalilingilaat. Pilersaarusiortarneq pillugu inatsisip nutarterneqarnissaani aggersumi malittarisassanik pisariillisaanissaq Naalakkersuisut taarsiullugu sulissutigaat. Pingaartinneqarluinnarporlu, nuna tamakkerlugu immikkoortumut pilersaarummik pilersitsinissap qulakkeernissaa, kommunit inuussutissarsiutillillu suleqatigalugit – inuiaqatigiit soqutigisaat tamarmik ataatsimut isigalugit aalajangiinissanik tunngavissinissaq. Nuna tamakkerlugu, politikikkut anguniakkat akuerineqarsimasut, kommunini pilersaarutit akerlerisussaangisai immikkoortumut pilersaarutini nassuiarneqartarput.

Apeqqu c.

Inatsisartut inatsisissaat nr. 17, 17. november 2010-imeersumi inuit nalinginnaat aammalu assigiinngitsunik inuussutissarsiutillit nunatsinni assigiiaanik atugassaqartitaanissaat qanoq qularnaarneqassava?

Akissut:

Naalakkersuisut nalilerpaat, Inatsisartut inatsisissaat nr. 17, 17. november 2010-meersoq timalimmik pilersaarusionermut kommuninilu nunaminertanik atuinermut atatillugu, sumi najugaqarneq apeqqutaatinnagu, innuttaasut pisinnaatitaaffiik qulakkeerinnissalluni atortussa q pingaaruteqartuusoq.

Apeqqu d.

Inatsisartut inatsisissaat nr. 17, 17. november 2010-imeersoq asimi nunap atornerqarnerani nunaqavissut salliutinneqassappat?

Akissut:

Siusinnerusukkut Vivian Motzfeldt-ip apeqqutaanut nr. 56-imut Naalakkersuisut akissumminni paasissutissiissutigereerpaat:

”Nunaminertamik atugassinneqarniaraanni najugaqavissuunissap piumasaqaataanissaa pilersaarusionermut inatsisip piumasaqaatiginngilaa. Piumasaqaataasoq tassaavoq atuinissamik pisinnaatitsissutip atugarinissaa. Assersuutigalugu illuliamut nunaminertamik atugassinneqarnerup kingornatigut ukiut marluk iluanni illuliaq nalinginnarmik atornerqarsimalissaaq. Taamaalilluni najugaqavissuunngikkaanni atugaqarnissamik pisinnaatitsissutip pissarsiarisap atornissaa qaqutiguunngitsukkut ajornakusuusaaq. Oqaatigineqartutulli Kalaallit Nunaanni inuit allattorsimaffiat malillugu najugaqartuuneq nunaminertamik atugassinneqarnissamut piumasaqaataangilaq.”

Akissummi saniatigut erseqqissarneqarpoq, takornariartitsinermut akuersissutit inuussutissarsiornermillu suliffeqarfiit pillugit Kalaallit Nunaannut attuumassuteqarnissaq piunarsaqataasartoq.

Inussiarnersumik Inuulluaqqusillunga
Med venlig hilsen

Aningaasaqarnermut Akileraartarnermillu Naalakkersuisoq
Aqqaluaq B. Egede